

## اللاهوت المقارن - البابا شنودة الثالث

محمد شاهين التابع

بسم الله الرحمن الرحيم. النهاردة هنتكلم عن خلاصة عصير كتاب اللاهوت المقارن للبابا شنودة. طبعا هو مكتوب هنا الجزء الاول لكن انا ما اعتقدش ان في اصلا جزء تاني فهو اللاهوت المقارن للبابا شنودة - 00:00:00

الكتاب ده آآ بيتكلم عن الخلافات العقائدية الایمانية ما بين الارسوذوكس من ناحية اللي هو كنيسة البابا شنودة والبروتستانت من ناحية تانية طبعا كلمة آآ اللاهوت المقارن او لما بيتنقال لاهوت اي حاجة تانية - 00:00:16

آآ ذي مسلا لاهوت مريم بولس اللاهوت المقارن بيبقى المقصود من كلمة آآ اللاهوت العقيدة والایمان والدين فاللاهوت المقارن يعني ده مقارنة الاديان عندهم. مقارنة العقائد. مقارنة العقيدة الارثوذكسيّة بتاعة البابا شنودة. العقيدة - 00:00:37

طنطية او زي ما الكتاب ده بيوضح آآ بيان الاختلافات ما بين اه الارسوزووكس والبروتستانت او البروتستانت بيختلفوا عننا في ايه الكتاب ده مهم اولا اه علشان خاطر الكتاب بيعرض اه انتقادات البروتستانت على بعض العقائد الارثوذكسيّة - 00:00:58

والكتاب بيبين اختلافات عقائدية في غاية الالهمة ما بين البروتستانت والارثوذوكس والكاثوليک والبروتستانت دول زي - 00:01:20 المسيحيّة مع بعض اه بتعامل؟ يعني في اه معظم المسيحيّين بيقولوا الارثوذوكس والكاثوليک والبروتستانت دول زي المذهب المالكي والحنبي والشافعي والحنفي والكلام ده كله. هذا باطل الى اقصى الحدود. لأن آآ المذاهب الاربعة مذاهب فقهية.

اختلافات في الفروع وليس في الاصول. لكن الائمة الاربعة على عقيدة واحدة - 00:01:44

هم على منهج اهل السنة والجماعة. لكن الارثوذوكس والكاثوليک والبروتستانت والطواويف في المسيحيّة نتيجة اختلافات عقائدية ايديا شديدة جدا وكبيرة جدا ادت الى انهم كفروا بعض طبعا هم مش بيحبوا يستخدموا كلمة آآ كفر او تكفير. لكن حرموا بعض. حرموا بعض يعني ايه؟ يعني لعنوا بعض - 00:02:04

انتم مش هتدخلوا ملکوت السماوات احنا اللي على العقيدة الصحيحة انتم آآ مش هتدخلوا ملکوت السماوات. في برضو نقطة قبل ما ادخل في الموضوع هو ان ممكن واحد يقول لك طيب ما الفرق الاسلامية المختلفة آآ ما بينها اختلافات وهكذا ممكن توصل الى درجة آآ - 00:02:31

التكفير يعني مسلا في فرق منتسبة للإسلام لكن هي خارجة عن ملة الاسلام. زي البهائية والاحمدية كل بهائي او كل احمدي كافر خارج عن ملة الاسلام وان ادعى انه مسلم - 00:02:51

وفي فرق تانية في ما بينا وما بينهم آآ بعض الاختلافات العقائدية. لكن ممكن ما توصلش الى درجة التكفير. لكن ايه الفرق ما بين الطوايف الاسلامية المختلفة والطوايف المسيحيّة المختلفة؟ الفرق - 00:03:08

ان المسلمين عندهم القرآن والسنة كمصدرين للدين بناخد منه الاصول والفروع. العقائد والفقه والعبادات وهكذا سبب الاختلاف ما بين اي طائف دينية سواء طائف مسيحيّة او طائف اسلامية بيكون غالبا بسبب اختلاف على ازاي نفهم هذه المصادر؟ يعني ايه؟ يعني الطوايف المسيحيّة - 00:03:26

مختلفة بسبب هم عندهم الكتاب المقدس ازاي نفهم الكتاب المقدس اثناسيوس كان بيفهم الكتاب المقدس بطريقة اريوس كان بيفهم الكتاب المقدس بطريقة تانية فكفروا بعض وهكذا. المسلمين بقى عندهم القرآن والسنة - 00:03:58

غالبا الاختلاف بيكون ازاي نفهم القرآن والسنة ايه هو الفهم الصحيح للقرآن والسنة؟ الفرق ما بينا المسلمين وما بينهم كمسحيّين ان احنا عندنا مصدر فهم صحيح اللي هو النبي محمد صلى الله عليه وسلم واصحابه - 00:04:14

وان احنا عندنا تراث اسلامي ضخم جدا واسانيد صحيحة متصلة بنتقدر توصل لنا فهم النبي محمد صلى الله عليه وسلم وفهم الصحابة وبالتالي بالنسبة لفرق الاسلامية الذي يجتهد ويبحس ويقارن ويدقق ويتحقق حتى يصل الى فهم النبي محمد صلى -

00:04:33

وسلم واصحابه هيبقى على الاسلام الصحيح. المفروض بالنسبة للمسيحيين ان الفهم المسيحي الصحيح او العقيدة المسيحية هي اللي كان عليها المسيح عليه السلام واصحابه. لكن هم للاسف الشديد مش هيقدروا يرجعوا او ما عندهمش التراس المسيحي -

00:04:56

ايه اللي يوصلهم الى هذا الفهم الصحيح الارسوزوكس والكاثوليك بيدعوا ان في حاجة اسمها تقليد رسولى. يعني اللي هم تسلموه من رسل وتلاميذ المسيح. لكن كل هذه تقاليد ليست لها اسانيد دقيقة صحيحة تجعلنا متيقنين ومتاكدين من ان فعلا هذا هو الفهم الصحيح -

يبقى الفرق ما بين المسلمين والمسيحيين اولا بغض النظر ان هم اصلا مختلفين في الاصول ومختلفين في انهي اسفار هي الكتاب المقدس والكلام ده كله. لكن الاهم حتى لو تجاوزنا عن اختلافهم في المصدر ازاى نفهم المصادر -

00:05:40

المسلمين عندهم الفهم الصحيح مدون في تراث باسانيد صحيحة يقدر اي حد يدقق ويتحقق ويصل اليها لكن المسيحيين ما عندهمش مجرد ادعاءات. ده تقليد رسولى. ايه الدليل ان تلاميذ المسيح اعتقادوا ده فين الاسانيد -

00:05:59

فين الوسيلة اللي اقدر من خالها اتيق ان هو ده فهم تلاميذ المسيح؟ لا يوجد انا اسف لو المقدمة طويلة لكن انا اراها ضرورية. المهم هنتكلم بقى بعض وثائق في كتاب اللاهوت المقارن للبابا شنودة -

00:06:19

برضو هرجع تاني واقول ان عصير الكتاب بيحتوي على اقتباسات اكتير بكتير وتم شرح كل الاقتباسات في السلسلتين بتوع العقائد المسيحية الارثوذكسية الملزمة الاولى والملزمة الثانية وهضم الروابط باذن الله عز وجل في نهاية -

00:06:37

الفيديو اول وثيقة في الصفحة رقم حداشر الفصل الاول محمل خلافاتنا مع البروتستانت طبعا هيبيتدى ايه آآ يعدوا واحد اتنين ثلاثة اربعه. انا هقرأ سريعا علشان الموضوع ما ياخدش وقت. شف اول حاجة هنا بيقول آآ -

00:06:56

الخلافات كثيرة بعضها في العقيدة والايمان وبعضها في الطقوس والبعض الثالث في النظام الكنسي وفي امور العبادة. الاهم بالنسبة لنا الخلافات في العقيدة والايمان وان انت لازم تبقى متأكد ان اي خلاف عقائدي عندهم ادى في النهاية الى الحرم -

00:07:17

يعني ايه؟ يعني اطاحي طبع بعقيدة مخالفة تم حرمانه ابوليناريوس سايليليوس اريوس نستوريوس ايا كان اي حد طلع بعقيدة مخالفة عملوا مجتمع تم حرمانهم الارثوذكس والكاثوليك هذا الانشقاق اللي حصل في مجمع سنة ربعمية واحد وخمسين ادى الى ان الطرفين حرموا بعض وكفروا بعض -

00:07:37

لما البروتستانت لما الكاثوليك حرموا البروتستانت فهم في تناحر شديد وهذا مصداقا لقول الله عز وجل في سورة المائدة. ومن الذين قالوا انا نصارى اخذنا ميثاقهم فنسوا حظا مما ذكروا به -

00:08:03

فاغربينا بينهم العداوة والبغضاء الى يوم القيمة وسوف ينتبهم الله بما كانوا يصنعون والآيات الأخرى التي تقول تحسبهم جمیعا وقلوبهم شتم وهكذا وقالت اليهود ليست النصارى على شيء وقالت النصارى ليست اليهود على شيء وهم يتلون الكتاب. وغيرها من هذه الآيات -

00:08:28

المهم هنا بيقول لك واهم الخلافات بيننا وبين البروتستانتية ما يلي. رقم واحد اعتقادهم بالطبيعتين والمشيئتين في السيد المسيح طبعا احنا في الفيديو اللي فات كنا بنتكلم عن مسألة الطبيعة الواحدة. طبيعتين ومشيئتين يعني يقول لك لاهوت وناسوت. اللاهوت ساعات بيعمل المعجزات الناسوت -

00:08:54

بيعمل الحاجات الانسانية ساعات بيقول كلام آآ بحسب ده صوته ساعات بيقول كلام بحسب لاهوته. الكلام ده البروتستانت بشكل عام في العقائد متبعين الكاثوليك لأن البروتستان تنشقوا عن الكاثوليك لو جينا نتكلم عن الانشقاقات سريعا اول واهم انشقاق اللي حصل في مجمع خلق دنيا سنة ربعمية واحد وخمسين -

00:09:15

بقي فيه ارثوذكس وكاثوليك. بعد كده في العصور الوسطى بقى فيه بروتستانتو كاثوليك. طبعا قبل كده كان حصل انشقاق في الكنيسة الكاثوليكية بسبب اضافة آآ كلمة ان الروح القدس منبثق من الاب والابن - [00:09:43](#)

اللي هي النقطة رقم اتنين. يعتقد انبات الروح القدس. يعتقد البروتستان مثل الكاثوليك بانبعاث الروح القدس من الاب والابن. الكلام ده تم اقراره آآ كعقيدة كاثوليكية تقربيا سنة الف واحد وخمسين يعني في بدايات القرن الحادى - [00:10:04](#)

بابا الفاتيكان قال الروح القدس منبثق من الاب والابن مش الاب بس فحصل انشقاق في الكاثوليك كل اللي رفض هذه الاضافة انضم بقى تبع مين بقى تبع الارثوذكس لكن ما زالوا على خلاف الطبيعتين - [00:10:23](#)

ما علينا. المهم يعني ان دي خلافات عقائدية آآ تؤدي الى الحرم لان البروتستان يعتقدوا زي ما في مجمع خلق دنيا وده حرب ما بين الارثوذكس كاثوليك. مسألة انبات الروح القدس من الاب والابن. ده حرب تاني ما بين الارسوزوكس والكاثوليك - [00:10:45](#)

لان هم اضافوا على قانون مجمع نيقايا وبحسب آآ اللي موجود في آآ مجمع القدسطينية سنة تلتيمية واحد وتمانين وبرضو مجمع المسكوني ربعمية واحد وتلاتين تم النص على ما ينفعش يتم اي اضافة على قانون مجمع نيقايا - [00:11:07](#)

واللي يضيف ببقى محروم ما علينا الصفحة اللي بعديها بيقول اه على مسألة انبات الروح القدس من الاب والابن بيقول لك وهذا مخالف لعقيدة كنيستنا التي تؤمن بالمياثق الروح القدس من الاب وحده - [00:11:31](#)

حسبيا ورد في كذا مش مهم حسبما ورد في المهم ده خلاف عقائدي آآ في غاية الخطورة لان اللي بيعتقد ان روح القدس منبثق منه الاب والابن برضو بيستشهدوا بنصوص كتابية. بيقولوا كل ما للاب هو لي وكل ما له هو للاب. طب الاب له صفة انه يبصق الروح القدس - [00:11:46](#)

يبقى الابن كمان يبصق الروح القدس. ويبقى بنوا العقيدة على نص كتابي. ايه المشكلة يعني؟ لان خلي بالك كل الطوائف المسيحية بتبني عقائدها تقربيا على نصوص كتابية. لكن الفرق ما بينهم وبين بعض زي ما قلت ازاي نفهم هذا النص الكتابي. احنا كمسلمين - [00:12:06](#)

الاسانيد والادلة والبراهين والتراث اللي يوصلنا لفهم الصحيح للنصوص القرآنية ونصوص السنة لكن هم فين دليلهم ان فهمهم صح لا يوجد دليل لا توجد اسانيد لهم عدم ايمانهم باسرار الكنيسة السبعة. طبعا البروتستان ليه انشقوا عن الكاثوليك؟ بسبب ان الكاثوليك استغله - [00:12:25](#)

سلطة الكهنوت اللي هو المفروض سلطة الهيئة بحسب ايمان الكنيسة الارثوذكسيه وايمان الكنيسة الكاثوليكية استغلوا الكهنوت فتسلطوا على العباد والبلاد فطبعا البروتستان ايه الاساس عندهم ان هم انكروا الكهنوت فيما انكروا الكهنوت بقى انكروا كل الاسرار الكنسية - [00:12:51](#)

اللي فيها الكاهن بيعمل اعمال معينة بيتدخل فيها الله بشكل سري او حاجة زي كده. اللي هم بقى اللي هي ودية والرسم والاخيرستية والاعتراف ومسحة المرضى والزيجة وسر الكهنوت نفسه - [00:13:21](#)

فيبرفضوا لهم اسرار الكنيسة السبعة طيب لا يؤمنون بالتقليد. طبعا آآ الكلمة دي مش صح قوي بالنسبة للبروتستان لا يؤمنون بالتقليد او التسليم الرسولي لأنهم بيعملوا بالتقليد او التسليم الرسولي لكنهم بيقولوا ايه ان لازم يكون - [00:13:43](#)

موافق لكتاب المقدس. طب انت هتفهم الكتاب المقدس ازاي علشان خاطر تشو夫 التقليد الرسولي ده موافق له ولا مش موافق بمزاجنا بقى فيبرفضوا لهم اسرار الكنيسة السبعة لما عملوا سورة بقى بمزاجهم يحددوا هل ده موافق لكتاب ولا مش موافق زي برضه ما الارسوزوكس والكاثوليك بيقول - [00:14:02](#)

قولوا ان التقليد ده موافق لكتاب المقدس ولا مش موافق فهنا بيقول لك فهم لا يؤمنون الا بالكتاب المقدس فقط او بالاصح بيخلوا الكتاب المقدس هو مصدر السلطان الواحد والله التقليد ده وافق الكتاب المقدس ده احنا بقى اللي هنقرر هو موافق ولا لا بقى نقبله. لو مش موافق بقى نرفضه - [00:14:24](#)

لا يقبلون الكهنوت. يعني ما فيش حاجة اسمها كاهن له سلطان الهي. يغفر لي الخطايا. ولا يعمدني ولا يرشمني ولا كلام ده كله

البروتستانت ما بيقوموش به عندهم حاجة اسمها قساوسة لكن قسيس بمعنى معلم - 00:14:47

ما بيمارسش اسرار كنسية ما لوش سلطان الهي او رسولي الصفحة اللي بعديها الصفحة رقم تلتاشر بيقول خلافات كثيرة في موضوع الخلاص. البروتستانت عندهم ما يسمى بالخلاص في لحظة او ان الخلاص مبني على الايمان بس - 00:15:07

طبعا هنا بيقول لك هنا يعتمدون على اه عبارة ده المفروض تقول اية كتابية عبارة دي ايه؟ ده مين اللي قالها؟ واحد كان ماشي في الشارع قال الكلام ده تحس ان تحقر لادلة البروتستانت - 00:15:31

لكن لو نص الارثوذكس بيبنوا عليها عقيدة كان قال لك الاية الكتابية قول يسوع المسيح قول مش عارف مين الرسول المهم ان البروتستانت بيبنوا الكلام ده على نصوص كتابية واكثر من نص - 00:15:49

نصوص في اعمال الرسل نصوص في رسائل بولس. المهم ان هم عندهم فكرة ايه ان مش مهم المعمودية مش مهم الرشم مش مهم الافارخارستية اللي هي عند الكنيسة تسمى بالاسرار الخلاصية. اسرار لازمة للخلاص - 00:16:05

بيرفضوا كل ده وبيقولوا بمجرد الايمان يبقى احنا ضمننا الجنة سيبك بقى من اي حاجة كنسية هي تدخلنا الجنة. انا ما بيني وما بين نفسى اؤمن يبقى دخلت ما امنتش يبقى ما دخلتش. مش لازم اروح للكنيسة تعمدنا ولا ترسمني ولا تناولني ولا اي حاجة من دي - 00:16:25

فيقول لك من اهمها التركيز فقط على الايمان وعدم الاهتمام بكل ما عداه. وكأنهم بهذا ينكرون الاسرار الازمة للخلاص مثل المعمودية والتوبه. وينكرون دور الكنيسة في موضوع الخواص من ضمن الحاجات الكنيسة كانت - 00:16:50

بتتسليط بها على العباد والبلاد دور الكنيسة لازم تيجي لي اعمدك لازم تيجي لي ارشمك لازم تيجي لي تعترفي لي لازم تجي لي اناولك بالنسبة للمسلمين او في الاسلام ما فييش حاجة اسمها دور - 00:17:06

المسلمين في دخولك الاسلام غير ان هم يعرفوك ايه هو الاسلام وكل شيء مبني على قرارك انت من شاء فليؤمن ومن شاء فليكفر انت وصلت لك رسالة الاسلام احنا اللي علينا ان احنا نبلغ الدعوه - 00:17:26

ونعرفك ايه هو الاسلام ونعرفك اركان الاسلام الخمسة واركان الايمان الستة ونفهمها لك بحسب انت لما تعتقد وتشهد ان لا الله الا الله محمد رسول الله الموضوع كله بعد كده في ايدك انت - 00:17:47

مش لازم تيجي المسجد وكلام الاشهر ده دي حاجات روتينية او ورقية رسمية. لكن انت لو عاوز تسلم تسلم مع نفسك تشهد ان لا الله الا الله وان محمد رسول الله مجرد ان انت آآتعلن جماعة المسلمين في اي مسجد او شيء خلاص تدخل مسجد - 00:18:04

اكيد يا جماعة انا اسلمت اشهد ان لا الله الا الله وان محمد رسول الله الف مبروك الحمد لله اكبر وهكذا وتصلب معهم وخلصت القضية طيب هنا عندهم برضو نقطة غريبة بيقول لك هم من ضمن الموضوعات التي هي مجال خلاف. مدى امكانية هلاك المؤمن اذا ارتد. فيرون ان المؤمن لا يمكن ان يهلك مهما - 00:18:25

ما سقط. يعني ايه؟ لا هو على حساب الدم انا داخل. داخل لي نصيب. يسوع سدد كل دينوني على عود الصليب انت مستني لسه بتقول انا هدخل الجنة ان شاء الله - 00:18:47

بالنسبة لهم ربنا شاق وخلص. يعني هو بمجرد ايمانه دخل الجنة فمهما عمل بعد كده دخل الجنة فيروح بقى يقتل يسرق يزني يعمل اللي هو عايزة حتى لو انتحر يدخل الجنة وده موجود في كتب البروتستانت - 00:19:01

عند المسلمين نحن نقول من مات على شهادة ان لا الله الا الله وان محمد رسول الله من مات على التوحيد دخل الجنة وان زنا وان سرق ليه؟ لأن دي معاuchi مهما كترت فهي معاuchi. لكن حق الله على العبيد هو التوحيد - 00:19:22

ما دام ما اشركتش بالله ربنا يغفر لك اي ذنب تاني. ومالك الجنة في النهاية لكن هل ده شيء مضمون؟ مضمون لو انت قدرت تضمن افعالك. يعني النبي محمد صلى الله عليه وسلم بيقول فيما معناه - 00:19:46

لو انت ضمنت لي لسانك وما بين فخذيك يعني اعمالك فيما معناه اعمالك اضمن لك الجنة فيبقى الموضوع بایدك انت. طب ومين فيينا يقدر يضمن اعماله؟ مين فيينا يعلم الغيب؟ ان هو يفضل الى - 00:20:04

لغاية ما يموت يفضل على الاسلام ويفضل على التوحيد لذلك تجد في القرآن الكريم ايات كثيرة جداً توفيق مسلماً والحقني بالصالحين وجنبني وبني ان نعبد الاصنام دول انباء لكن هم عارفين - 00:20:25

لو ماتوا على الاسلام يبقى انا خلاص من الفائزين. لو مت على التوحيد يبقى انا من الفائزين. فالقضية في ايد كل شخص.

البروتستانت بقى بيفتحوا باب فساد كبير الارثوذكس نفسهم بيقولوا كده - 00:20:50

بيقولوا الشباب الصغير بيروح يبقى بروتستانتي علشان مسألة الخلاص في لحظة. لأنهم بيروجوا مسألة انا حتى لو عملت معاصي او خطايا او زنمت او عملت انا في الآخر كده كده داخل الجنة - 00:21:05

احنا بنقول لأ ده فساد عظيم الله المستعان. هنا برضو ينكرون الطقوس. يعني اي حاجة طقسية كنسية الكنيسة بتعملها بينكروها البروتستانتية ضد الطقوس وهذا بند واسع تفاصيله كثيرة. اللي بعده صفحة رقم اربعين - 00:21:23

بيقول خلافات في المعمودية ان الارثوذكس عندهم لازم تتعمد والمعمودية سر والسر لازم للخلاص لعل من اهمها لزوم المعمودية للخلاص لكن ايه البروتستانت عندهم لا مش مهم معمودية للخلاص. هنا برضو عندهم كذلك لزوم المعمودية للاطفال. يعني ايه لزوم المعمودية للاطفال؟ وهنتكلم عنها - 00:21:43

اذكرها مرة تانية اللي هي مسألة لو ببغي اتولد مثال الطهارة والنقاء لو ببغي اتولد ومات قبل ما يتعمد ده الى جهنم وبئس المصير لكن لازم يتعمد. اول ما يتولد يتعمد - 00:22:09

الكاثوليكي بقى عندهم ده قبل ما يتولد نعمد البيبي في ارحام امهاتهم. تقول لي ازاي؟ يقول لك انا مش دي قضيتي ما ليش دعوة لكن الكلام ده مذكور في كتب الارسوزوكس بقى لاهوت مقارن ما بين ارثوذوكس وكاثوليكي - 00:22:29

المهم انهم الاتنين متفقين على مبدأ ان البيبي لازم يتعمد ولو البيبي مات قبل ما يتعمد يبقى راح النار والعياذ بالله لكن احنا كمسلمين بنؤمن ان كل مولود يولد على الفطرة - 00:22:51

فحتى لو اتولد ومات فهو في الجنة فهو مات على الاسلام هنا بيقول لك لا يؤمنون بالاعتراف. دي بقى بتضايقهم اووي البروتستانت عندهم النقطة دي صح ايه هي النقطة دي؟ ان الاعتراف على الله مباشرة يعني - 00:23:10

عاوز يتوب وتغفر خطایاہ يلجاً الى الله عز وجل مباشرة الارسوزوكس والكاثوليكي بيكول له لأ هي سايبة انت يا عبد يا حقير تتكلم مع ربنا مباشرة لازم تيجي للكاهن تعترف للكاهن - 00:23:33

تحصل على الغفران من خلال وسيط لكن هو اي مخلوق كده يتكلم مع الله مباشرة كده يحصل على المغفرة مباشرة هزلت ده من الفكر المسيحي الارثوذكسي والكاثوليكي. البروتستانت وجدوا ان ده من ضمن اسباب تسلط الكنيسة على البلاد والعباد - 00:23:54

ان انت رقبتك في ايد الكاهن ان شاء طبعاً النصارى مش بيقولوا ان شاء غفر لك وان شاء آآربطك لكن الواقع كده ان انت ما ينفعش تحصل على الغفران غير من خلال الكاهن. طب لو الكاهن لاي سبب من الاسباب وجده غير مستحق للغفران - 00:24:19

يبقى مش هتحصل على الغفران فالبروتستانت عملوا سورة وقالوا لأ الكلام ده كلام فاضي مش عايزين احنا موضوع الكهنوت اللي هيتحكم في العباد طبعاً عند المسلمين الله عز وجل اقرب اليك من حبل الوريد - 00:24:42

قل يا عبادي الذين اسرفوا على انفسهم لا تقنطوا من من رحمة الله. ان الله يغفر الذنوب جميعاً. انه هو الغفور طول رحيم وقال الله عز وجل في كتابه الكريم - 00:25:03

واذا سألك عبادي عنني فاني قريب اجيب دعوة الداعي اذا دعاء فليستجيبوا لي وليؤمنوا بي لعلهم يرشدون قال الله عز وجل واذا سألك عبادي عنني فاني قريب لم يقل اني قريب. علشان ما تباقاش في اي - 00:25:19

نوع من انواع الوساطة واذا سألك عبادي عنني فاني قريب. اجيب دعوة الداعي اذا دعاء. فليستجيبوا لي وليؤمنوا بي لعلهم طيب مسألة لا يؤمنون بسر الافخارستي. اللي هو التناول انهم بيعملوا قداس يجيبوا الفطيرة ويجبوا الخمر يصلوا عليه. فيعتقد - 00:25:43

وان الفتورة اتحولت لجسد الله والدم اتحول والخمر اتحول لدم الله البروتستانت بيقولوا انتم بتبعدوا اوثان وبتخبزوا الحكم في

الفرن عبدة اوثان لما بتسجدوا للقربان في القدس. وبتخذلوا الحكم في الفرن. ده تسجيل مشهور للأنبا بيشوي - 00:26:08  
مهم الوسيقة اللي بعدها بيقول خلافات بالنسبة الى الكتاب المقدس ده في صفحة رقم خمسة اشهر حتى الكتاب المقدس مش متفقين  
عليه بيقول لك ان عدم ايمانهم ببعض اسفار الكتاب مسل توبيا وييهوديت ويشعو ان صراخ وباروخ وسفر الحكمة وسفر التكبيين  
وبعض اجزاء - 00:26:35

اخري من الكتاب واعتبارهم انها ابو كريفا وعدم ضمها الى الكتاب مسلما تضم في ترجمة الكاثوليك للكتاب. طبعا دي الاسفار القانونية  
الثانوية المفروض ان الارثوذكس والكاثوليك بشكل عام بها. البروتستانت وجدوا ان بعض النصوص الموجودة في هذه الاسفار.  
الكاثوليك بنوا عليها بعض العقائد زي الصكوك - 00:26:58

افران وزوايد فضائل القديسين وحاجات زي كده فراحوا البروتستانت من ضمن سورتهم ساروا على اي مصدر الكنيسة بنت عليها  
عقائدها. فصارت على التقليد وثارت على الاسفار القانونية الثانية. وهنا برضه بيقول لك ايه؟ لا يتعاملون مع العهد القديم بالاحترام -  
00:27:23

سائق لكل تعاليمه. كما لو كان السيد المسيح قد نقض الناموس او الانبياء برضو هنا بيقول لك لا يؤمنون باصوم الكنيسة. البروكستان  
بيقولوا ده يا عم بيصوموا على مزاجهم. ومحترعين طريقة الصوم على مزاجهم. المهم - 00:27:43  
الصفحة اللي بعدها الصفحة رقم ستاشن بيقول لا شفاعة في البروتستانتية. اللي هي الوساطة بشكل عام. بيرفضوا اي نوع من انواع  
الوساطة عدم اكرام القديسين. برضو بيقول لك دول آآ بيعدوا بشر او ايا كان بيتحذوهם وسائل او حاجات زي كده. البروتستانت  
يبينكر كل الكلام ده - 00:27:58

صفحة رقم سبعة اشهر. بيقول لا ايقونات ولا صور في البروتستانتية اللي هي الصور ويولع شمعة قصاد الصورة وصلی قصاد الصورة  
يقول لك دي عبادة اوسان في الكنيسة طيب هنا الصفحة رقم سبعة اشهر بيقول لا يؤمنون بدوام بتولية العذراء - 00:28:17  
ده خلاف ما بين الارثوذكس والكاثوليك من ناحية والبروتستانت من ناحية. الارثوذوكس والكاثوليك بيقولوا مريم عليها السلام. ولدت  
المسيح وظلت عذراء وما خلفتش بعديه خالص. وما اتجوزتش يوسف النجار البروتستانت بيقولوا لأ - 00:28:42  
دي هي خلفت المسيح وفقدت عزرتها وتزوجت يوسف النجار وانجبت منه كمان وخليل بالك الكلام ده بناء على نصوص كتابية يعني  
البروتستانت مش محترعين الكلام ده من دماغهم ويقول لك برضو لا يكرمون العذراء. بيقولوا عليها ام يسوع - 00:29:01  
ما بيقولوش عليها ام الله ولا يوافقون على عبارة الممتلة نعمة. بيترجموها المنعم عليها والارثوذوكس والكاثوليك بيقولوا  
ده تحريف بروتستانت مقدس وشوف بيقول لك ايه وبعدهم يقول عن العذراء انها اختنا - 00:29:21

كان البابا شنودة بيقول لك هزلت هي مريم زي اي واحدة كده من البشر نقول عليها اختنا راجع بقى كتاب الاخ معاذ الي عبادة مريم  
في المسيحية والظهرات المريمية علشان تعرف ازاي هم بي maggدا في مريم عليها السلام - 00:29:41  
وبيرفعوها الى درجة تصل الى الالوهية والعبادة مصداقا لقول الله عز وجل انت قلت للناس اتخذوني وامي الهين من دون الله؟ قال  
سبحانك طيب في الصفحة رقم عشرين بيقول لا يستخدمون رشم الصليب - 00:30:04

متضايق قوي انهم ما بيقدسوش الصليب البروتستانت ما بيقدسوش شف بقى الصليب بقى عند الارثوذوكس وموضع الايقونات  
بقى وموضع التقديس بقى وكده تقريبا يعني اقصى حاجة ممكن يصل اليها الارثوذكسي والكاثوليكي هو السجود - 00:30:27  
بيسجد للكافر بيسجد للصليب بيسجد للهيكل بيسجد للقربان بيسجد لاي حاجة تقريبا هم بقى بينكرموا على  
البروتستانت انهم ما بيعملوش زيهما بيقول لك ان لا يكرمون الصليب - 00:30:47

كما يكرمه الارثوذوكس لا يوجد عندهم عيد الصليب لا يمسك رعاتهم صلبانا ما بيقدسوش للصلب زينا ونشكر الله شف بقى يا اخي  
ودي لافتة للمسلمين بغض النظر عن السياق اللي احنا بنتكلم فيه - 00:31:08  
ان مسلا سنة معينة زي اللحية مثلا او آآ تقصير الثوب. وده انا شخصيا مقصري فيه او مثلا الخمار او اللبس الشرعي الصحيح للمرأة. لما  
بيجي مسلا واحد من الدعوة يقول - 00:31:29

المفروض الناس تلتحي ويدعوا الناس للحية وبعد كده يقوم قايل ايه مسلا معلش وبعدين يقوم قايل ايه مسلا يقوم قايل والحمد لله  
الناس بدأت تاتزه بسنة النب - محمد ص - الله عليه وسلم وتطلاقه احترماه الفتنات بدأها بيسما ذه شبع - 00:31:50

وما كانوا يفعلون ذلك من قبل يعني هو شايف ان ده بدأوا يرجعوا للحق. كون ان هم رفعوا وعلقوا الصليان على الكنائس اين نحن  
كمسلمين من تتبع الحق اللي احنا المفروض نكون عليه - 00:32:39

ونلتزم به والناس تفرح لما تزداد عدد الملتحين ويزاد عدد المنتقبات. حتى مع وجود معاصي لكن على الاقل بقى في التزام وربنا يصلاح الباطن كما يصلح الظاهر مهم الصفحة اللي بعديها - 00:32:58

مع مديرية الاطفال ده اتكلمنا عنه مسألة ايه؟ ان الطفل لازم يعتمد ده في الصفحة رقم ثلاثة وتلاتين. ان الطفل لازم يعتمد ولو مات قبل ما يعتمد هيدخل النار فبيقول لك اما نحن فنصر على معمودية الاطفال للأسباب الآتية. حرصاً منا على ابدية هؤلاء الاطفال.

العماد فنعرضهم لهذا الحكم الالهي اللي هو ايه؟ لا يقدر ان يدخل ملکوت الله. هيروح النار. لو ما اتعمدىش الله المستعان الصفحة رقم 333

د اعتقد النصارى اعتقاد المسلمين ان السيد المسيح نزل عليه انجيل وهو كتاب سماوي زي ما التوراة كتاب موسى والزبور كتاب الله وحمسين بيقول ان السيد المسيح لم يكتب انجيلا ولم يترك انجيلا مكتوبا -

هل كان كتاب مكتوب نزل من السماء مكتوب زي التوراة ولا كان شفهي زي القرآن وفيما بعد يتم تدوينه لكن المهم المسيح كان له  
لأنه هنا قبل الكتابة إنما كان شفهي إنما كان زي القرآن

هو ده الانجيل لكن ما بنقولش بقى ان الانجيل هو متى ومرقص ولوكا ويوحنا دي كتب كتبها مجاهيل ممکن يكون من ضمنها انجيل المسيح في بعض اجزائها. ان هم دونوا فعلا انجيل المسيح وتعلیمه - 14:35:00

وفي اجزاء تانية نحن نجزم ان ده مش من دين المسيح وده مش من انجيل المسيح ودي مش من رسالة المسيح طيب ما علينا  
الصفحة رقم اتنين وستين بيكول سلطة الكنيسة في التشريع - 00:35:33

وهذا مصداقا لقول الله عز وجل اتخذوا احبارهم ورعبانهم اربابا من دون الله في الحديث عن عدي بن حاتم رضي الله عنه انه بيكلم النبي محمد صلى الله عليه وسلم بيقول لهم احنا ما كناش بنعبدهم - 00:35:52

فالنبي محمد صلى الله عليه وسلم قال له مش هم كانوا بيحربوا لك الحال ويحلوا لك الحرام او بيقولوا لك ايه هو الحال وايه هو الحرام فراح قايل ايوة عندهم سلطة في التشريع. قال لك فتلع عبادتهم اياه - 00:36:12

فتلك عبادتكم ايها ايام. يعني فيما معناه هي دي العبادة اللي انتم كنتم بتبعدوها لرجال الكنيسة للاحداث والرهبان ليه لأن سلطة التشريع لله وحده لا شريك له في التشريع الانبياء والرسل مجرد مبلغين - 00:36:34

علمه شديد القوة. وكل الانبياء والرسل كذلك - 00:36:59

كثيرة جداً وان شاء الله في رمضان هنعمل فيديوهات عن مسألة وجوب الالتزام - 00:37:15

طيب اللي بعده صفحة رقم مية تسعه واربعين رجع تاني يتكلم على موضوع اكرام الصليب فيبيقول لك من الخلافات التي بيننا وبين البروتستانت اكرامنا العجيب للصلب لدرجة ايه بنعمل كل حاجة باسم الصليب وارشم الصليب واعمل كل حاجة بالصلب -

00:38:02

ويقول لك بقى شف البروتستانت الوحشين ويكتفي البروتستانت بايمان قلوبهم بالصلب دون استخدامه وكانوا الى عهد قريب لا يعلقونه على الكنائس. وكثير منهم لا يعلقونه على صدورهم. شوفوا وحشين ازاي - 00:38:29

وكلهم لا يمسكون صليبا في ايديهم وهم ايضا لا يحتفلون باعياد الصليب ولا بموكب له ولا يطوفون به بالاناشيد والالحان وهم ايضا لا يقبلون الصليب ولا يأخذون بركته. وبالاضافة بقى ان الارثوذكس بيسبدوا للصلب كمان - 00:38:43

البروتستانت وحشين ما بيسبدواش ما بيسبدواش للصلب. البروتستانت بقى بيقولوا ايه؟ ان دي وتنية اللي الارثوذكس والكاثوليك فيه ده وتنية طيب صفحة رقم مية وستين بيتكلم برضه عن الصور والايقونات. بيقول لك ينكر البروتستانت ما في الكنيسة من صور وايقونات. ويعتبرون كل هذا - 00:39:01

ضد الوصية الثانية اللي بتقول لا تصنع لك تمثالا منحوتا ولا صورة ما مما في السماء من فوق وما في الارض كذا كذا. ده في سفر خروج وسفر التنسنية - 00:39:22

النصاري بيقولوا ايه الارثوذكس والكاثوليك؟ بيقولوا ربنا قال لنا لا تصنع احنا ناخد روح الوصية وسيبك من الحرفية المفروض عند المسلمين بناخد بالنص وبالحرف وبالروح وبالقصد وبكل شيء - 00:39:34

يعني ايه؟ يعني ما ينفعش تقول انا هاخد بمقاصد الشريعة المصدر الثاني في الدستور بيقول لك ايه ان آآ مقاصد الشريعة الاسلامية حاجة زي يعني مش الشريعة الاسلامية نفسها مقاصدها او كده. ده بيفتح باب - 00:39:55

ان احنا نبقي زي اليهود والنصاري ان ربنا بيقول لنا نص تشريعي محدد مسلا قطع يد السارق او رجم او جلد الزاني او آآ قصاص معين او احكام معينة في الزكاة او احكام معينة - 00:40:18

في اي شيء في الميراث او حاجة زي كده يقول لك لأ اه خليك في المقاصد خليك فيروح الوصية لكن حرفيا مش ضروري فالنصاري بيقولوا ايه لا تصنع لك تمثال منحوت ولا صورة؟ لا عادي جدا ممكن نصنع تمثال من حوت ولا صورة - 00:40:36

بس ايه ما نعبدهمش اهم حاجة ما نسجد لهمش ولا نعبدهمش. طب ما هم بيسبدوا حتى للايقونات وللتماثيل عند الكاثوليك. يقول لك اصل ده مش سجود عبادة. ده سجود تكريم - 00:40:54

انت بقى وبعدين يعني ايه اللي ايه اللي بقى لك من الالتزام الله المستعان هنا بيقول لك والمتطهرون من البروتستانت يعتبرون الايقونات من بقايا الوثنية ويلوموننا على اكرام الايقونات وتقبيلها وايقاد الشموع امامها والسجود امامها - 00:41:09

بيسجد للايقونات بيسجد للصلب بيسجد للكاهن بيسجد للهيكل بيسجد للقربان بيسجد لكل حاجة تقريبا طبعا من حق البروتستانت انهم يقولوا ايه؟ اه دي وتنية طبعا انت بتتكلم في ايه يعني - 00:41:34

كده احنا نكون خلصنا خلاصة عصير كتاب اللاهوت المقارن سبحانه الله وبحمدك اشهد ان لا الله الا انت استغفرك واتوب اليك. لا تنسوني من صالح دعائكم. السلام عليكم ورحمة الله وبركاته - 00:41:51